

**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel
Francofurti Ad Moenum, 1690**

Caput XVIII. (a) Urbanus III.

[urn:nbn:de:hbz:466:1-74533](#)

C A P U T X V I I I .

(a) Urbanus III.

Cum in Apostolica Sede, cui licet immeriti praesidemus, magisterium resideat totius ecclesiasticae disciplinae, dignum est & consonum rationi, ut quotiens circa negotia Ecclesiastica aliquid dubietatis emergit, ad ipsius deliberationis arbitrium recurratur. Intelleximus siquidem, quod cum inter (b) villicum de Ernaja, & uxorem ejus coram te matrimonii questio tractaretur, productis testibus, & attestacionibus eorum diligenti examine discussis, ante publicationem idem villicus reversus ad propria publice inter se & uxorem suam proposuit sententiam divortii, judicio Ecclesiæ promulgatam, & sic suggesta omnibus falsitate, quandam aliam mulierem facti nesciam sibi copulare præsumpsit. Postmodum vero super prioris matrimonii questione literis à Sede Apostolica impetratis, delegati judices sententiam divortii protulerunt. Unde quia Villicum, & mulierem, quam superinduxit pendente lite prioris uxoris, invicem afferis consensisse, tua nos duxit fraternitas consulendos, utrum tales sint ad matrimonia admittendi. Nos igitur auctoritate presentium tuæ sollicitudini respondemus, quod interposita ei poenitentia comperenti, infra (c) poenitentia rempus carnali commercio interdicto, postmodum in maritali copula poterit remanere.

N O T A E .

1. (a) **U**rbanus III.] Ita etiam legitur in prima collectione, sub hoc tit. cap. final. sed supplex est, Cenomanensis Episcopo, ut habetur post Concil. Lateran. p. 6. cap. 21. & in cap. 12. de sentent. excomm. cap. super eo, de condition. appositis, ubi extant aliae partes hujus Decretalis, ut notavit Anton. Augustin. in presenti, licet non illis recte adjungat textum in cap. a relatione, de de sponsi impub. De Cenomanensi diecepsi nonnulla notavi in cap. 5. de scriptis.
2. (b) **V**illicum.] Cujac. in presenti existimat esse nomen proprium viri, ut in l. Julianus, §. per contrarium, ff. de actionibus empi, l. cum dnobus, §. item si ex facto, ff. pro socio. Sed vereor ne legendum sit Willimum, quod nomen valde frequens est apud Gallos & Anglos.
- (c) **I**ntra poenitentia tempus.] Durante enim poenitentia tempore olim sequestrabatur manonis cubiculum, nec conjugio jam contracto utilicebat, nec novum celebrare, ut probavi in Can. 9. Concil. Illiber.
- Textum hunc exposui in cap. consideravimus, de elect. & latius illustrabimus in cap. I. de marr. contracti.

C A P U T X I X .

Clemens III. (a) Cæsaraugustano Episcopo.

In presentia nostra positus à nobis duxisti necessarium requirendum, quid agendum tibi sit de quibusdam mulieribus in duabus diecysi constitutis, quæ cum viros in (b) captivitatem, vel aliam peregrinationem abductos jam ultra septennium fuerint praestolatae, nec certificari possint de vita, aut de morte, licet solitudinem super hoc adhibuerint diligentem: quia tamen pro juvenili aetate, seu alia fragilitate carnis humanæ continere non possunt, aliis expetunt matrimonio copulari. Cum autem dicat Apostolus: Mulier tamdiu alligata est viro quamdiu vir ejus vivit; tuæ consultationi taliter respondemus, quod quantocunque annorum spatio ita remaneant viventibus viris suis, non possunt ad aliorum consortium canonice convolare; nec tu eas contrahere in Ecclesiæ facie permittas, donec certum nuntium recipient de morte virorum.

1. (a) **C**æsaraugust.] Ita etiam legitur in secunda collectione, sub hoc tit. cap. 3. Raymundo videlicet de Castelcuelo, qui candem Ecclesiam rexit ex anno 1184. usque ad annum 1199. De ipsa Metropoli Cæsaraugustana nonnulla notavi in cap. 1. de his qua vi.
2. (b) **C**aptivitatem.] Temporibus enim Clemensis III. in Hispania bella seva erant cum Saracenis, & paulò antea Cæsar Augusta Imperialis urbs ab eis recuperata fuerat; unde plerumque eveniebat Catholicos à Sarracenis in captivitate retineri, & non facile constabat, an defuncti in ipso congressu essent, an capti via pud Sarracenos decessissent. Unde & Lucius III. dum in cap. 2. de secundis nuptiis, etiam prohibet secundas nuptias, dum certò non constat de morte prioris viri, scribit universis Christianis per Sarracenos captis.